




Surgeon General's Office

LIBRARY

*Rare Case 54*

Section, *1212*

No. *46501*





DISSERTATIO MEDICA,  
INAUGURALIS,  
DE  
SITIS IN FEBRIBUS CAUSIS  
ET REMEDIIS.

QUAM,

Sub Moderamine Viri admodum Reverendi

GULIELMI SMITH, S. T. P.  
COLLEGII et ACADEMIAE PHILADELPHIENSIS  
PRAEFECTI,

EX PERILLUSTRIUM CURATORUM Auctoritate,

NEC NON

Amplissimae Collegii et Academiae FACULTATIS decreto,

DEO TER OPTIMO MAXIMO ANNUENTE,

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS  
RITE AC LEGITIME CONSEQUENDIS,

Eruditorum examini subiectam sustinuit

JONATHAN ELMER, M. B.  
NOVO-CAESARIENSIS.

Ad diem 28 Junii, hora locoque solitis. 46501

---

*Aggrediar, non tam perficiendi spe, quam, experiendi voluntate.*  
CICERO.

---

PHILADELPHIAE,  
Apud HENRICUM MILLER.  
M DCC LXXI.




VIRO PERILLUSTRI  
D. BENJAMINO FRANKLIN,  
ARMIGERO,

L. L. D. R. S. S. Societatis Americanae  
Philosophicae PRAESIDI, et inclytæ  
nostræ Provinciae NEO-CAESARÆ  
in Aula Britannica PROCURATORI  
honoratissimo:

VIROQUE PRAECELLENTISSIMO  
GULIELMO FRANKLIN,  
ARMIGERO,  
PROVINCIAE SUPRADICTAE GUBERNATORI  
DIGNISSIMO;

HASCE SUAS, IN RE MEDICA PRIMITIAS,  
ANIMI GRATI ET REVERENTIAE PERPETUAE,  
MONUMENTUM AC PIGNUS,  
HUMILLIME  
DEDICAT CONSECRATQUE,

JONATHAN ELMER.







D E

SITIS in FEBRIBUS  
CAUSIS et REMEDIIS.

I. **Q**UONIAM febres, secundum *Hippocratem* (a), omnium morborum sunt frequentissimi, quibus miseri mortales affiguntur, et sitis, in omnibus febribus, plerumque se sociam praebet: *hujus molesti symptomatis causas indagare, et illius mitigandi remedia efficacissima indicare*, hujusce dissertationis argumentum ineptum non judicetur; praesertim, quum nemo adhuc, quantum novi, hanc rem ex professo tractaverit (b).

(a) De flatibus cap. 3, vide etiam *Boerhavi* aph. 558.

(b) *Van Swieten* inter febris alia symptomata de eo breviter fuit commentatus.

2. In corpore sano causas fitis omnes perscrutari, nimis temporis impenderet. Satis est dicere. Propter fluidorum ex renibus, cute aliisque emuntoriis, perpetuam eliminationem dissipationemque necnon eorum indolem innatam acria fieri, quando in corpore diu manserint: imbibere copiam sufficientem non solum ad conservandam aptam humorum fluiditatem, sed quoque ad acria eluenda omnino est necessarium. Quamobrem naturae nostrae *sapientissimus Auctor* quandam sensationem, omnibus cognitam, fitis nomine appellatam, nobis iniecit, quodcumque humorum status, fluidorum, ad amissa recuperanda et acria abluenda, suppeditationem postulat.

3. Quamdiu attamen valetudine fruimur, et omnes corporis functiones aequabiliter pergunt, supplementum necessarium est moderatum, atque fitis sensatio, vel bibendi cupido, nec saepe, nec fortiter urget; sed quum functiones turbantur, et circulatio sanguinis ab aliqua causa augetur, in tantum, ut febrem efficiat, hoc symptoma, molestissimum fit, vixque remediis ullis compescendum. In hac re igitur, imprimis necessarium erit quaerere, quaenam sint causae, et quinam in corpore humano febris effectus, unde hujus praeterfolitae fitis accuratam causarum cognitionem forsitan adipiscemur, nec non ex aliqua parte, sitim  
sedandi

sedandi efficacissima remedia indicare poterimus.

4. Utrum sanguinis lentor febrium sit causa proxima, ut *Boerhavio* (c) placet, an nervosi et vascularis systematis spasmodica affectio, ex opinione *Hoffmanni* (d), vel cordis auctus stimulus, ab aliqua acrimonia secundum sagacissimi *Doctoris Whytt* (e) theoriam, non nostrum est componere. Attamen, me iudice, harum nulla in omnibus febrium generibus obtinet. Etenim, quamvis in febribus ardentis et inflammatorii generis *Boerbaviana* doctrina verisimilior esse videatur, ob calorem magnum, pulsum plenum et validum, aequae ac sanguinis densitatem manifestam e venis emissi, nihilominus in intermittentibus et febribus lentis nervosis, spasmus atque acer humorum status causae probabilius esse videntur: et ardentissimi generis febres, ab acrimonia aliqua, in sanguinem accepta, ut in variolis, morbillis, etc. saepenumero oriuntur.

5. In omnium febrium initio horripilationis est vel plus vel minus, quamvis aliquando adeo sit exigua, ut ipsi aegroti non percipiatur; in hoc

(c) In aphorismis.

(d) System. rational. med. tom. 2.

(e) Tentamen de mot. vital. ac invol. pass.

statu, minimorum vasculorum spasmodica con-  
 strictio, non solum cutis, sed (ut infra patebit)  
 etiam aliarum corporis partium locum habet, un-  
 de per illa circulatio libera impediatur, et in vasis  
 cordi proximis accumulabitur sanguis, hinc an-  
 xietas magna, respiratio laboriosa, hoc tempore,  
 praesertim in intermittentibus, saepius observata.  
 Citius seriusve frigus cedit caloris sensui, per to-  
 tum corpus diffuso, magis vel minus intenso,  
 quoad febris speciem atque gradum, orto a cordis  
 et magnorum vasorum actione, spasmum in mi-  
 noribus vincente, sic ut circulationem liberio-  
 rem, quam frigoris tempore, reddat. Sed hoc in febris  
 statu, ut censeo, plus minusve spasmus vasa  
 constringit, praecipue in febribus inflammatoriis  
 vel intermittentibus. Etenim validi tensique pul-  
 sus, ardentis caloris atque siccitatis ratio reddi  
 nulla potest, nisi fieri dixerimus spasmodica con-  
 strictione vasorum, qua sanguinis, per arterias  
 magnas, velocitas augetur, praesertim cum aeger  
 hora jam praeterita optime se habuerit, nec ullum  
 aut plethorae aut lentoris adfuerit signum. Haec  
 minimorum vasorum constrictio, ut opinor, mul-  
 tas causas agnoscit, videlicet, ex subito contracto  
 frigore, sanguinis acrimonia ultima vasa stimu-  
 lante, seu materia aliqua acri vel putrida, primis  
 viis sive aliis corporis partibus inhaerente, per  
 sympathiam systemati injuriam ferente. Hoc mo-  
 do

do pleuritidis aliarumque febrium inflammatoriarum subitae invasionis causam facilius elucidamus, quam fingendo, eas ex plethora et sanguinis lentore, a perspiratione suppressa, originem duxisse. Etsi enim concessum esset, hominem adultum, in statu medio, uncias quadraginta aut quinquaginta nychthemero perspirare, et hanc perspirationem ex aliqua parte impediri posse, (nam in vivo numquam penitus suppressam esse *Sanctorius* probat) tamen corpora nostra tanta sapientia formantur, et inter emunctoria renum et cutis talis inest sympathia atque connectio mutua, ut retentum perspirabile per renes non esse excretum, raro accidat. Ne dicam, has febres interdum invadere, etiamsi perspiratio non diminuta sit, quod ex universali cutis humiditate, imo totius corporis sudore patet.

6. Spasmi partialis praedicta opinio, ab *Hoffmanno* dissentiens solummodo in hoc, ut ille universalem spasmus esse crediderit, (quod in transitu impossibile esse affirmo, in hoc enim rerum situ a cordis actione suppressa mors subita certissime sequeretur) multo melius intermittentium phaenomena explicabit, quam quivis sanguinis lentor, minima vascula obstruens, donec febris violentia obstructions solvat; quoniam nulla causa possit assignari, cur, certis periodis, sanguinis lentor rediret:

rediret: et nemo inficias ibit, in intermittentibus diu durantibus, sanguinis lentorem non modo omnino abesse, sed etiam cruorem nimis tenuem et fluidum saepissime fieri.

7. Fluida non solum nimis compacta et spissa redduntur, illorum aucto motu, calore atque attritione mutua, quibus partes dilutae dissipantur; sed ob causas easdem acria fiunt et ad putredinem tendunt.

8. In febribus, nervosi systematis irritabilitas augetur, functionum vitalium ac animalium perturbatione, sanguinis acrimonia, debilitate totius corporis, praecipue vero nervorum, cum fibrarum tensione magna, per fluidorum auctum calorem, motum atque attritionem. Hinc facile cognoscimus, quamobrem febricitantes ex causa qualibet in tantum afficiantur, ut etiam cibus mitissimus, vel situs erectus diu continuatus, cordis actionem multum acceleret febrimque augeat.

9. Ex praedictis patet, sitim febrilem ex aliqua, vel omnibus causis sequentibus originem ducere:

(1) Ex vasorum exhalantium oris, faucium, oesophagi atque ventriculi, constrictione spasmodica.

(2) Ex

(2) Ex sanguinis fluidi nimia dissipazione, quae reliquum viscidum et non permeabile reddit.

(3) Ex sanguinis acrimonia.

(4) Ex humorum putrefactione incepta, sive alicujus putridi, ab intus vel extra, in sanguinem absorptione.

(5) Ex nervosi systematis, vel *solidorum vivorum* irritabilitate aucta.

(6) Ex saburra acri putrida vel biliosa in primis viis haerente.

De quibus singulis ordine dicendum est.

10. (1) *Ex vasorum exhalantium, oris, faucium, oesophagi atque ventriculi, constrictione spasmodica.* Quod in febribus vasa exhalantia oris, etc. certe constringantur, ab eorum ariditate immodica abunde patet; haec fluidis extremitates arteriarum exhalantium in has cavitates aperiendum non pervadentibus a plerisque tribuitur. Sed hanc causam non semper locum habere, ex observationibus in aegrotis intermittente laborantibus palam fiet. Ipse homo qui paulo ante bene se habuerit, paroxysmi accessione repentina oris et oesophagi ariditate corripitur, usque dum profuat sudor ac vasorum constrictione relaxetur; tunc harum siccitas partium molesta discedet, quo tempore illa siccitas maxima esset, si ex humorum lentore penderet; etenim partium fluidarum  
 majore

majore parte dissipata, post sudoris adventum, necesse est, sanguinem viscidiorum et irremediabilem magis fieri.

11. Siccitatem oris, linguae, gutturis, sitis semper comitatur: hinc in intermittentibus, non solum in frigore febrili, sed etiam in febris acme, donec spasmus sudoris eruptione mitigetur, siti perpetua, non sedanda, aeger laborat, etiam si ad ventriculi distentionem liquores ingurgitet. Idem in aliis febribus, etsi gradu minore, observatur; in continuis enim ante potius quam post crisin sitis torquet, quamvis fluidorum e sanguine, renibus et cute excretio, in fine morbi multum augeatur, ac febris continuatio sanguinem viscidiorum, quam antea, reddiderit.

12. Vasorum constrictio igitur sitis febrilis est causa frequentissima et potentissima, praesertim in initio, quando ex maxima parte nulla alia existit; quoniam acres, putridos vel spissos factos esse humores, augurari non liceat.

13. (2) *Ex sanguinis fluidi nimia dissipatione, quae reliquum viscidum et non permeabile reddit.* Quomodo in febribus calor et motus corporis auctus tenuiora dissipet, propter magnam sanguinis volatilitatem, vaporis instar exhalantem, etiam in  
venae-



venaesectione videndam, tametsi nulla adsit febris; perinde ac fluidorum auctam eliminationem, facile intelligitur. Hoc erit evidentius, si vera sit opinio praedicta § 5, perspirationem nempe, quam vulgo autumatur, rarius esse suppressam; quia, quo apertiora sint emunctoria, cutis praecipue, eo abundantior est excretio. Hic notare vellem, sitim & ariditatem cutis, oris, etc. in febrium initio, ab hac causa vix unquam oriri, sed a minimorum vasculorum constrictione, (uti supra memoravimus) donec, post aliquod tempus, calor febrilis et aucta circulatio fluidiora sanguinis dissipaverit, ac compactum et non permeabilem reddiderit: tunc procul dubio sitis fiturgens causa, tam reliqua massa acri facta, suis blandis partibus orbata, qua stimulatur corpus, quam fluidorum lentore os ac oesophagum arida reddente, libero sanguinis circulo per minima harum partium vasa impedito. Hinc videmus eos qui labore valido se exercent, & quorum cutis fluidorum sanguinis, e laxatis poris cutaneis, perpetua excretionem, semper inadet, ingenti siti urgeri; contra ignavos, otio sub umbra fruantes, minimum sitire.

14. (3) *Ex sanguinis acrimonia.* Sanorum sanguis semper est blandus et acrimoniae expers, gutta enim oculo instillata nullam molestiam ad-

fert; si vero partes excrementitiae in systemate nimis diu sint retentae, vel calor ac motus multum augeantur, seu partes blandae dissipentur nimis, sic ut in omnibus febribus accidit, plus minusve alcallescentis acrimoniae contrahit. Particulae acres ab aëre sanguinem intrent, ut in febribus contagiosis, peste, variolis, morbillis, etc. contingit; vel simul cum ingestis fumantur, velut venenorum assumptio. Et forsitan acrimonia acida aut oleosa in sanguinem aliquando viam inveniat.

15. Sed acrimonia in sanguine locum habens, qualiscunque sit, systema, praesertim oris etc. vascula minima stimulando, sitim semper parit: quod sapienter praecavetur, blanda et aquosa fluida copia sufficiente ingerendo, ad acrimoniam diluendam, obtundendam eliminandamque. Si acrimonia sit salina, utrum acida, alcalina vel muriatica, quae aquae facile se commiscet et in ea dissolvitur, ob hanc causam largis poculis e systemate cito eluitur. At oleosa ob minorem attractionem cum fluidis aquosis, diutius obstat atque tardius expellitur: hinc lardum comedentes per longum tempus sitiunt.

16. (4) *Ex humorum putrefactione incepta, sive alicujus putridi ab intus vel extra in sanguinem absorptione.* Humores in corpore sponte putridi fiunt,

fiunt, quod fervido coelo, cibo putrescenti utensibus ac inedia laborantibus ferme accidit. Putrescunt etiam, quum particulae putridae, in aere volitantes, ingeruntur fermenti modo agentes, et sanguinis totam massam contaminantes; quod in tempestatibus calidis atque humidis, in locis palustribus, nec non nosocomiis et carceribus confertis saepe contingit. Fluidorum putridam diathesin gigni posse, pure ex abcessu in quavis corporis parte absorpto, febribus hecticis et tabibus inde sequentibus cognoscitur; etiam quibusdam venenis e. g. ex viperæ et aliorum venenatorum moribus.\*

17. Calor febrilis ad putredinem humores multum vergere facit, ut spiritu foetido, faecibus putridis solutis, nausea ac vomitu eos adeo frequenter comitantibus, certe probatur. Cur humorum putrefactio sitim efficiat, a putridorum stimulo, vasa exhalantia irritante, et forsan constringente, necnon a calore magno, putrefactionis processu excitato, plane apparet.

\* Vide *Mead* de venenis.

*Lucanus* in poemate *Pharsalia* appellato lib 9. narrat, Tyrrenum vexilliferum a serpente *dipsade* morsum siti inexplebili correptum fuisse.

18. (5) *Ex nervosi systematis vel solidorum vivorum irritabilitate aucta.* Hoc, omnibus auctoribus mihi perlectis, fuit omiffum. Quoniam fitis, ftimulo quodam, illam fenfationem efficiente, oritur; vel humiditatis, in ore, oefophago five ventriculo, defectu, extremitates nervorum in hisce partibus defendere fufficientis, five in ventriculo aut fluidis acrimonia aliqua; ideoque quo magis irritabile fit systema, eo magis eodem ftimulo afficietur, et eo major erit fitis fenfatio. Et quoniam febres fua natura corpus irritabilius reddere tendunt; haec caufa, nullo modo omitti debet. Sitis absentia eft omen malum, quia fenfibilitatis defectum denotat, vel virium vitæ languore aut perditione. Sic *Hippocrates*, coacis praenotionibus affirmat, “ fitis praeter rationem foluta, “ in acutis malum.” (e)

19. (6) *Ex faburra acri putrida, vel biliofa in primis viis haerente.* Harum aliqua, hisce partibus deposita, fitim ftimulo fuo excitabit. Etenim fi fanus cibum laute conditum, acria aromata, et fimilia comedat, fiti frequenti urgebitur, per plures horas fuccedentes, donec dilutione copiofa, atque ventriculi actione, acrimonia obtundatur vel penitus perdatur. In febribus auctus calor, et ventri-

(e) N. 6, vid. etiam prorrhēt. l. 1.

culi functiones laesae, ingesta ad putredinem plus disponunt quam in sano, quae etiam ventriculi diminuta expellendi facultate longiorem retentionem efficiente, multum augetur.

20. Bilis redundantis acrimonia, praesertim si putrescere incepit, sitis fit urgens causa, usque dum expellatur vel adeo diluatur, ut acrimoniam perdat; fortasse hinc oriatur, quod cholericis, colicis et febribus biliosis laborantes, tantam sitim patiantur; bilis enim acrimonia ventriculum vellicans sitim perpetuam efficit, eundem aequè stimulando, ac os et oesophagum sympathia afficiendo, nec non eorundem vasa exhalantia spasmodice constringendo. Hinc oris ariditas immodica, ac linguae squalor, quamvis febris mitior adsit.

21. In febribus, hae sunt sitis causae frequentissimae; et quo magis ingravescent, eo plus sitis instabit. Sic aliquis systematis delicati, cujus humores ad cacochymiam acrem vel purulentam vergunt, febre correptus, sitim quoad febris intensiorem plus percipiet quam arator robustus staminibus firmis gaudens, cujus fluida sint bonae indolis; quia prioris corpus multo est irritabilius, ideoque stimuli (quodcunque sitim excitat) ad susceptionem aptius, et ad purulentam diathesin fluida magis disponuntur. Hinc medicinae peritus,  
non

non solum fluidorum statum ac febris calorem, sed etiam sensibilitatis et irritabilitatis gradum in omni aegroto cautissime pensabit. Hinc etiam intelligimus, cur sedantia et alia systematis sensibilitatem diminuentia, saepe in siti sedanda sint efficacissima.

22. Causis sitis febrilis absolutis; earum mitigandi modum aptissimum tradere pergo.

23. Curam eodem ordine, quo causas, methodus physica tractandam esse postulat; sed quia causae praedictae plerumque sunt complicatae; brevitatis gratia omnes generali medendi methodo complectar.

24. *Tolle causam, cessabit effectus*, in philosophia aphorismus est celeberrimus et argumento nostro aptissimus. Quandoquidem sitis a febre ipsa, ut causa primaria, nascitur, tolle febrim, tollitur sitis; quodcunque igitur priori inservit ad posteriorem quoque conducet. Unde in febribus inflammatoriis, venaesectio, etsi rei aliena videatur, vi antispasmodica pollens, ac febris violentiam moderans, in siti mitiganda omnium est efficacissima. Sed quoniam febrim vincere non semper possumus, medici est officium, ut sitis febrilis  
miti-

mitigationem omni modo tentet, cui sequentia multum inservient.

25. (a) *Aqua purissima*. Ut calor et aucta sanguinis circulatio fluidiora dissipat, aquosa, quae sanguinem blandum ac tenuem reddunt, ad sitim sedandam conducere est manifestum. Nihilominus *Asclepiades*, et alii antiquorum multi, sitim febrilem, aliter quam febris curatione, mitigandi omnes conatus vanos imo noxios esse affirmant. Sic in *Celso* (f) legimus “ De potione vero ingens  
 “ pugna est, eoque magis, quo major febris est.  
 “ Haec enim sitim accendit et tum maxime  
 “ aquam exigit, cum illa periculosissima est. Sed  
 “ docendus est aeger, ubi febris conquieverit, pro-  
 “ tinus sitim quoque quieturam; longioremque  
 “ accessionem fore, si quod ei datum fuerit ali-  
 “ mentum; ita celerius eum desinere sitire qui  
 “ non bibit.”

26. Sed in febribus curandis *Hippocrates* aliter sensit. Alimentum humidum febre laborantibus utilissimum esse, non solum affirmat; sed aquosorum usum maxime laudat, ut in libro *De victu in acutis* est videre. Contra senis hujus venerandi auctoritatem, *Morton* et seculi praeteriti multi,

(f) Lib. iii. cap. 6.

modum *Asclepiadeum* infeliciter introduxerunt, ac dum sudorifica calidissima exhibebant, potum omnem universaliter prohibuerunt, ne medicamentorum vis, aquosis commixta, diminueretur. Quam miseri febricitantes sic tractati necessario essent, abunde liquet.

27. Hic quaeratur utrum potus calidus vel frigidus, febricitantibus plus conveniat? Frigidum aegrotis exoptari, sed mala hinc oriri, omnibus notum est. Febres pleuriticae, peripneumonicae, et mors subita, incautos qui aestuantes gelida ingurgitarunt, saepe prostravit. Attamen gelidae aquae potus febricitantibus aliquando profuit. Sic in Commentariis Baronis *Van Swieten* (g) legimus, de servo febre ardenti correpto, qui frigidae aquae decem librarum haustu, duodecim horis, in totum febrem extinxit. Medicis talia frequenter acciderunt. Sed hinc aquam frigidam febricitantibus; recte dari inferre, aequè est absurdum ac carnem salitam, lardum et similia in victu acutorum laudare; quoniam passim horum usus contra medici praecepta, ex aegri desiderio magno, febrem expulit. Hoc monemur, et praeterea nihil, quod cum febricitantes gelidum potum multum efflagitant, omne aliud odio habentes, sint indulgendi. Sed

(g) *Shelhammer*, de genuina febres curandi methodo.



est medici prudentis parce ac saepius dare ut mala inde oritura praeveniantur.

28. Ex praedictis cognoscitur, aquam calidam vel frigoris expertem, esse tutissimam. Sed etiam illius haustus largi sunt vitandi. Etenim sitiientium ventriculus, qui pocula capaciora ingurgitant, adeo distenditur, ut orificia, vi convulsiva contrahantur, anxietatem magnam et alia mala efficiente; aut quantitate adeo irritatur, ut ad nauseam ac vomitum excitetur. Sed potus parvis haustibus sumptus, sanguinem densum ac non permeabilem diluit, fibras rigidas humectat et minimorum vasorum constrictiones relaxat. Aqua tepescens tosto pane immerso, optime datur. Melissae, falviae, hyssopi infusiones febricitantibus esse utilissimas quotidiana experientia satis probat, illorum tamen virtus praecipua, a fluido aquoso pendet.

29. (b) *Potiones acidulatae.* In siti febrili feranda acida sunt potentissima. Systematis mobilitatem diminuunt, vasorum exhalantium oris, oesophagi ac ventriculi constrictiones relaxant; nec non utilia sunt salivae fluxum copiosum excitando, fluidorum putredinem corrigendo, et fermentationi obviam eundo. Si hauriantur dilutae, sero sanguinis sese immiscent, et inde diureticae

ticae et diaphoreticae fiunt. Hordei ac aliorum farinaceorum decoctiones, vitrioli vel nitri dulcis spiritu acidulatae, in febribus biliosis, variolis malignis, seu in sanguinis putrida diathesi, laudes summas merentur. Sed febribus pleuriticis, peripneumonicis, ac in quibus sanguinis lentor phlogisticus adest, acida vegetabilia, ut cremor tartari, acetum limonumque succus eodem modo exhibita, sunt aptissima, quia priora, qualitatibus suis adstringentibus, magis quam posteriora sanguinem compactum reddunt. Sed an unquam interne sumpta sanguinem coagulent, jure quaeratur, quippe in vasa lactea introitum qualitates adstringentes prohibent, nisi sint multum diluta; praecipua igitur eorum operatio a ventriculi actione pendet. In febribus quibusdam, ubi fluida aquosa e renibus excernuntur, absque sanguinis commixtione febrili ardore inspissati, acida, praesertim vegetabilia, urinam proprii coloris atque quantitatis reddunt.

30. (c) *Liquores acescentes.* Hi in febribus minus sunt utiles, quia ad fermentationem nimium tendunt; hinc eorum flatulentia, quae praecipue hystericis atque hypochondriacis malum saepissime adfert. Eandem ob causam cerevisia tenuis, nisi aetate matura, febricitantibus parce est indulgenda.

31. Vina acida purae aquae sat magna copia diluta hujus classis sunt optima, ac in languore virium vitae maxime sunt utilia, vires aegroti reficiendo animumque exhilarando. Etenim hoc in statu invenimus, parum vini, vel spirituum aquosis additum, sitim aqua sola efficacius sedare.

32. (d) *Fruktus boraei*. Hi aciditate, atque qualitatibus refrigerantibus, sitim febrilem multum mitigant. Plus minusve palatum exquisite afficiunt, stimuloque salivae fluxum augent. Fruktus acido-dulces *drupacei* et *fenticosi Linnaei*, (fragment. ord. nat.) sunt acerbi, atque in ventriculo ad fermentationem proni, idcirco in febribus tam cavendi sunt, quam liquores acescentes supradicti. Quando hos effectus non edunt, non solum ad sitim sedandam, sed etiam humores putridos corrigendos multum conducunt. Eorum vero qualitates noxiae fiunt mitiores pinfendo, sive torrendo, quo aer expellitur, et ad fermentationem excitandam minus apti redduntur fruktus.

33. (e) *Sales neutri*. Tartarus vitriolatus, nitrum, et tartarus regeneratus, in aquosis diluta, ad sitim febrilem mitigandam, hujus classis sunt efficacissima. Salviae aut melissae infusiones, vel hordei aut avenae decoctiones, cum parvo nitri

et mellis commistae, in omnibus febribus, ardentis vel inflammatorii generis, potum salutiferum praebent, et *Boerhavia* aliisque rem medicam exercentibus summis cum laudibus efferuntur. Humor enim inflammatorius lentorem solvendo, atque putrefactionem corrigendo, sitim ac calorem febrilem maxime leniunt.

34. Sales alii neutri, easdem virtutes, etiam si minore in gradu, possident. Tartarus vitriolatus post nitrum fortasse secundum locum tenere debet; sed quia difficilius solvitur, rarius usurpatur. In febribus putridis, tartarus vitriolatus et sal Glauberi aliis neutris sunt forsitan praeferenda, ut qualitate adstringente, sanguinis fractam solutamque texturam corrigant, et aptam crasin, concretionemque reddant.

35. (f) *Anodyna, antispasmodica et antiseptica.* Ex consideratione praedicti § 18 (5) de sitis febrilis causis, quomodo anodyna sitim sedant facile intelligimus. Nervosi enim systematis sensibilitatem diminuendo, sensationem molestam, sitis ideam excitantem, extinguunt; nec non constrictiones vasorum exhalantium oris &c. solvunt; quam sitis febrilis causam esse potentem N. 10 antea fuit probatum. Sic, duplici modo, ad hoc molestum symptoma mitigandum plurimum conducunt.

ducunt. Attamen in omni febris statu, praecipue inflammatorii generis, anodyna exhibere, nullo modo tutum esse, notatu est dignissimum. Ni enim evacuantibus plethora diminuatur ac vasorum tensio solvatur, anodyna cujuscunque sint generis, vasorum vim motricem debilitando, et sic obstructionem augendo, noxia fiunt. Verum postquam venaesectiōne ac purgantibus, satis est evacuatum, experientia quotidiana anodynorum caute usurpatorum, praecipue hora somni, bonos effectus abunde evincit; inde uti molesta symptomata, ex vitalium ac animalium functionum perturbatione orta, ut plurimum amoveantur, febricitantis vires redintegrentur, et sitis molesta sensatio multum minuitur.

36. Antispasmodica, potestate constrictiones solvendi praedita, hic quoque maxime sunt utilia; praesertim quae stimuli alicujus sunt expertia, ut *sal sedativum, camphora, contrayerva et crocus*. Acriora enim stimulo suo, calorem et circulationem augent, itaque in omnibus febribus sint noxia, nisi putridis et lentis nervosis, in quibus, hujus generis medicamenta, ad animum excitandum atque deficientem circulationem augendam; et etiam ad morbi crisin felicem producendam, naturae conatus promovendo, valde sint necessaria.

37. Anti-

37. Antiseptica, ad fluidorum putrescentem acrimoniam corrigendam adjuvant, ad quam, in omnibus febribus ob auctum calorem atque fermentationes irregulares, majore vel minore gradu disponuntur fluida. Praeterea, plurima antiseptica, praesertim salini et acidi generis, sedativa et antispasmodica sunt, et idcirco in siti febrili sedanda, usurpantur commode.

38. (g) *Epithemata et enemata*. Horum priora a *Boerhavio* multum laudantur, ac in febribus inflammatoriis, quando calor est maximus et cutis aridissima, haud dubie multum valent; sed quia, illorum usus molestiam adfert, et nisi summa cum cautione usurpata febricitantem frigori exponunt, ex frequentis repetitionis necessitate, et inde frigidi aëris ad corpus nudum admissione, praesertim tempestatibus frigidis, quum hae febres frequentius grassantur, minus boni, quam aliter expectaretur, adferunt. Pediluvia sunt utilissima ac minimo cum labore efficienda, etiam in omnium februm initio, variolarum etc. maxima emolumenta adferentia, praecipue quando delirium febrile adest, inferiorum artuum vasa relaxando, sanguinem illac determinando, et eundem a capite revellendo.

39. Enc-

39. Enemata, quae putridos humores febris fomitem efficientes, ex intestinis eluunt, ac viscera fovent; nec non sanguini, aquosa, mediantibus vasis lacteis, suppeditant; ad fitim quoque febri-lem sedandam multum conferunt.

*Si quid desit operi, id supplet aetas.*

QUINCTIL.







